



UNIVERSITÄTS-
BIBLIOTHEK
PADERBORN

Universitätsbibliothek Paderborn

Evsebivs || De Euangelica pr[a]eparatione

Eusebius <Caesariensis>

[Augsburg], 1522

VD16 E 4299

Quod quærere leges, non quærere rationes iuuenes debent. Cap. i.

urn:nbn:de:hbz:466:1-34477

Quod querere legibus, non querere rationem iuuenes debent.

CAPVT I.

Censet igitur sine dubitatione aliqua, leges sequendas esse hoc modo scribens in primo de Legibus. Si quis recte Latonum aut Cretensium leges reprehendere possit, aliqua quaestio est. Ego autem iudico optimam esse legem, quae iubet, ne quis iuuenum cogitari. Senex autem si quis dubitauerit, principibus aut aequalibus referat nomine iuuenum audiente. Nonne igitur multo ante Platonem diuinæ literæ fidem cæteris proposuere uirtutibus. Vnde apud nos quoque incipientibus ac imperfectioribus quasi secundum animum infantibus simplicius scriptura leguntur. Credendum enim omnibus est omnia, quæ in ea feruntur, sicuti dei uerba uerissima esse. Illis autem, qui ad maiorem iam habitum scripturarum peruenerunt altiora petere, ac rationem singulorum querere concedi. Hos iudei quasi scripturae expositores secundarios appellare solebant. Poeta deinde Plato ait Theognim ex Megara Siciliae testem habemus, qui ait fidelem uirum omni argento atque auro in seditione meliorem. Nemo enim integer atque fidelis sine omni uirtutis numero in seditionibus esse potest. Quorsum hæc? quia legis latorem, qui a Ioue missus est, ita leges conscribere oportere censemus, ut ad maximam semper uirtutum respiciat, quam Theognim secuti fidem, quæ maxime in periculis lucet, esse arbitramur. Eam non iniuria perfectam iustitiam nominare possumus. Ita Plato non irrationalem fidem, sed eam, quæ uirtuti coniuncta est, comprobare uidetur, quod Saluator noster breuius, apertius ac diuinius posuit. Euge inquit serue bone atque fidelis. Et rursus. Quis ergo erit fidelis & prudens paterfamilias? prudentiam enim & magnanimitatem fidei coniunxit. Præterea Plato aliquantulum progressus. Certe inquit defunctorum animæ uirtutem quandam habent, qua uel post mortem rebus humanis auxiliatur. Vera enim hæc opinio est, sed nisi prolixis rationibus probari non potest. Credere autem oportet huiusmodi sermonibus, quoniã a priscis ualde uiris traditi sunt. Credendum ergo est etiã illis, quæ ita hæc se habere legibus confirmant. Sic certe de Hieremia traditum fuisse Iudæi contendunt. Et Machabeorum liber retulit, uisum ipsum fuisse post mortem orare pro populo.

Quod